

J. Brentius  
Argumenta.

Halae Suev.  
1548.


Jc  
28692

100  
Romm

dt. Ausg. v. J. 2070







ARGV  
MENTA ET  
SACRAE SCRIPTV-  
re summa, librorum Vete-  
ris uidelicet & Noui  
Testamenti.

*Autore Iohanne Brentio.*

HALAE SVEVORVM  
M. D. XLVIII.



PIO LECTORI.

**P**etiuerunt à me sacrarum literarum quidam studi-  
osi uiri, ut argumenta solum, & summam totius  
scripturae, eximij theologi Iohannis Brentij, hae  
enchiridij forma, excudi curarem, quo ijs commodius uti  
liceret. Noli itaq; bonis & doctis uiris, ista qualicunq;  
opera deesse. Praesertim cum me non fugeret, ipsis per-  
suasum esse, hoc, quãuis breui scripto, uiam adeoq; aditã  
facilem, ad uerum scopum uniuersae scripturae sacrae  
monstrari, & ista potissimum propagandae  
cognitionis & gloriae iesu Christi  
gratia expeti.



X 2, 1434



Ola hæc scriptura, quæ  
canonicis libris ueteris ac  
noui testamenti contine-  
tur, rectam nobis & cer-  
tam seu artem seu uiam demonstrat,  
qua ad ueram eamq; perpetuam salu-  
tem, & quam gentium Philosophi  
humana ratione semper quæsiuerunt,  
nunquam autem inuenerunt, foelici-  
tatē perueniamus. Nam hoc unum &  
solum huic scripturæ propositum est,  
ut cognitionē filiū Dei, DOMINI  
NOSTRI IESU CHRISTI  
doceat, et gloriam eius illustret, ac hu-  
mano generi, commendet. Hæc est  
huius scripture prora, quod aiunt, &  
puppis. Hoc spectant, hoc uolunt, eò  
tendunt, id agunt, ad eum exitum pro-  
perant omnia, quæ in his literis com-  
prehensa sunt. Sed quid cunctor, hoc

A ij

uel paucissimis singulos huius scrip-  
turae libros percurrēdo demonstrare:  
GENESIS (sic primum librum  
Mosis uocant) etsi ad hunc usum scri-  
pta esse uidetur, ut posteritas cogno-  
scat initium huius mūdi, progressum  
humani generis, diluuium, incendiū  
Sodomiticum, & res gestas patriar-  
charum, maxime tamen omnium do-  
cet CHRISTVM, filium Dei.  
Postquam enim descriptus est lapsus  
hominis, et interitus eius propter pec-  
catum, additur promissio de semine  
mulieris, quod est IESVS CHRI-  
STVS, quæ promissio deinde re-  
nouata est, & in Abrahami semen, au-  
tore spiritu sancto, quasi deriuata, ac  
paulo post ad familiam Iudæ, filij Ia-  
cob traducta. Hæc promissio, non  
margarita tantum est libri Geneseos,  
sed



sed totus thesaurus eius. Hanc promissionem patriarchæ tam prædicando, quàm sacrificando in familijs suis uerunt: hac coram Deo iustificati sunt per fidem: hac conseruati sunt in maximis aduersis, in morte denicq; ipsa.

EXODVS, habet insignẽ conuentionẽ de Christo uenturo & prædicaturo in populo Israel, quæ scripta est in capite tricesimo tertio, & tricesimo quarto. In alijs partibus, in quibus describitur liberatio Israelitarum ex Aegypto, promulgatio Decalogi, & institutio Reipublicæ Ecclesiasticæ & Politicæ in Israel, uidetur longe aliud huius libri propositum, quàm ut describatur Christus: sed si rem diligenter perpendas, tota Exodus hoc præcipue spectat, ut commendet Christum Ecclesie Dei, Israelitæ enim uin-

A in

dicati sunt in libertatem, et redacti legibus in unum corpus Reipublicæ, (id quod in Exodo scribitur) ut esset populus, in quo promissiones de Christo, publicis concionibus et sacris conseruarentur, & familia, è qua Christus uenturus erat, certo constaret. Quid Decalogus? Profecio, non alio quam in Christum respicit. Conclufit (inquit Paulus) scriptura omnia sub peccatum (hoc autem maxime omnium fit per Decalogum) ut promissio ex fide Iesu Christi daretur credentibus. Et mox: Lex Pædagogus noster fuit ad Christum, ut ex fide iustificaremur. Sed quid dicam, de agno Paschali, de sacerdotio Leuitico, tabernaculo & propitiatorio, ac de reliquis sacris in Exodo institutis? Hæc ad docendum & illustrandum Christum peruenire,

pertinere, notius est, quod ut hoc loco pluribus indicari debeat. Hic ergo finis est Exodi, ut Christus cognoscat:

Idem sentiendum est de LEVITICO libro, in quo cum describantur Levitica sacrificia, Leviticæ sanctificationes & immunditiæ, & aliæ id genus observationes, non est dubium, quin & is liber maxime de Christo contionetur. Omnia enim Levitica sacrificia sunt contiones de Christo, & quæ de sanctificatione ab immundicia traduntur, Christum ueræ sanctificatorem adumbrant.

In NUMERIS extat illustre uaticinium Balaam de regno Christi. Non solum autem hac in parte prædicatur de Christo, sed totus liber inuoluetur Christum & ad Christum proposito suo tendit. Numerantur Israe-

A iiij

litæ ordinantur castra, recensent man-  
siones, quas ita uocant, Israelitarum,  
mittunt exploratores ad terram Cha-  
naan, commemorantur uaria discrimi-  
na, quæ acciderunt Israelitis in de-  
serto, & interponuntur quædam Le-  
uitica & politica. Hæc omnia, quia  
pertinent ad constitutionem Israeliti-  
cæ Reipub. in Christum respitiunt.  
Nam Israelitica Reipub. fuit in hunc  
usum instituta, ut promissiones & cõ-  
tiones de Christo in ea conseruarentur.

### DEUTERONOMIUM

manifeste continet promissionem de  
Propheta post Mosen uenturo, in cui-  
us ore Deus se uerba sua positurum  
dicit, qui propheta non alius est, quæ  
Christus. Etsi autem Moses uidet casu  
quodam in mentionem huius promissio-  
nis incidisse, tamē si probe obserues,  
non

non est hoc ὁδὸν πᾶρεργον, sed totius li-  
bri caput. Repetitur in eo libro, & ex-  
plicatur lex: finis autem legis ( inquit  
Paulus ) est Christus ad iustificatio-  
nē omni credēti. Maiora em̄ et graui-  
ora exigit lex, q̄ homo peccato cor-  
ruptus p̄ficere queat. Promittit̄ ergo  
Propheta, uidelicet **CHRISTVS**  
qui fungatur quidem doctoris offi-  
cio, sicut & Moses fungebatur: non  
autem qui terreat & occidat, sed qui  
consoletur & uiuificet auditores. Ita-  
que quo rectius & copiosius explica-  
tur lex, eo magis homines à lege ad  
Christum ablegantur.

Sunt, qui sentiunt, Mosen esse au-  
torem libri **IOB**. Visum est igitur  
nobis, ut de hoc libro post Pentateu-  
chū Mosis dicamus. Maluimus enim  
in dicenda sententia de libris sacræ

A V

scripturæ, eum ordinem seruare, quo  
initio conscripti uidentur, & quem  
res gestæ indicant, quàm quem uul-  
gatæ editiones sequuntur. Hic liber  
tractat præcipue hanc quæstionem:  
Num Deus affligat hominem iustū.  
Ac nihil minus uidetur, quàm ut ali-  
quid de Christo dicat; sed quemad-  
modum lex ipsa, ita exemplum Iobis,  
& status disputationis eius, in solum  
Christum respiciunt. Iob enim, etsi  
præfertur iusticia ipsius omnibus ho-  
minibus in terra, tamen obiectus seue-  
ro iudicio Dei, tantum abest, ut natu-  
ra sua iustus inueniatur, ut etiam in  
Deum ipsum cōtumeliosus sit, & bla-  
sphemus. Vnde ergo & ante conse-  
cutus est iusticiam, & postea amissam  
iterum recuperauit? Certe non aliun-  
de quàm ex eo semine, quod promissio-  
sione

sione Dei contritum erat caput ser-  
pentis, & in quo benedicendæ erant  
omnes gentes. Hoc probant holocau-  
sta, quæ Iob pro filiis & amicis obtu-  
lit. Holocausta enim fuerunt inter pa-  
triarchas doctrina fidei in Christum  
uenturum. Disputatio autem, num  
Deus affligat iustum tota ex Christo  
pendet. Nullus enim hominum ius-  
tus est, nisi Christus, & quem Chri-  
stus iustificauerit. Quare quemadmo-  
dum Deus immisit afflictiones Chri-  
sto filio suo, non propter ipsius iniu-  
sticiam, à qua alienissimus erat, sed  
propter aliam causam, uidelicet, ut  
his afflictionibus alienam iniustici-  
am expiaret: ita immittit aliquoties af-  
flictiones credentibus in Christum,  
non propter peccata ipsorum, quia  
iam sunt propter Christum remissa,

sed propter alias quasdam causas, ni-  
mirum, ut uel fides eorum probetur,  
uel ipsi in officio contineantur, uel,  
exemplo sint, quanta seueritate Deus  
puniturus sit impios, uel ut maiorem  
mercedem in coelo cōsequantur. Vi-  
des igitur etiam Iobis libellum, cuius  
Moses scriptor esse dicit, Christum  
docere.

IOSVA, trañcit Iordanem, ex-  
pugnat urbem Iericho, uincit reges  
Chananaeos, accipit regna terre Cha-  
naan, & distribuit ea in familias Israe-  
lis. Hoc publicum est testimonium,  
quod Deus seruauerit promissionem  
suam, qua recepit se posteris patriar-  
charum daturum terram Chanaan.  
Sed quam ob causam promisit & de-  
dit eis hanc terram? Num ut ociosi &  
ignauī fruerentur alienis urbibus &  
agris,



agris, & caperent ex eis externam tantum & corporalem uoluptatem? Nil minus, sed ut conseruarent in sua politica predicationem de semine Abrahamæ promisso, qui est IESVS CHRISTVS, seruator noster, & propagarent eam ad posteros suos donec ueniret ipse, & promissam salutem absolueret. Quare cum legis librum Iosuaë, non existimes te terrenas tantum uictorias, sed multo magis coelestem institutionem cõtionis de Christo legere.

In libro LV DICVM, describitur progressus Israeliticę Reipub. sub ijs principibus, qui post Iosua domini sunt in Israel, autoritate magis, q̃ imperio, quos in principatum extulerat, non humana electio, sed diuina miracula. In qua descriptione, etsi nul

Ia fit manifesta mentio promissionis  
de Christo, tamē cum recitatur quā  
misericorditer & mirabiliter Israeli-  
tæ, internitionem potius, propter im-  
pietatem suam, quā salutem meriti,  
ē manibus & tyrannide hostium suo-  
rum liberentur & seruentur, non ob-  
scure significat Spiritus, Deum con-  
seruare Rempub. Israeliticam eadem  
causa, qua instituerat eam, uidelicet  
propter Christum filium suum, ut es-  
set certa gens, in qua promissiones de  
ipso predicarentur, donec hominem  
assumeret, & prædicaret ipse Euange-  
lion suum.

Libellus R V T H, continet par-  
tem Genealogiæ Davidis, quæ ab E-  
uangelista translata est in Genealogi-  
am Christi, ut perspicue uideas etiam  
hunc libellum quamuis paruum, in  
Christi

Christum respicere.

In libris REGVM & PARALIPOMENON, instituitur regnum in Israel. Aristocratia mutatur in Monarchiam. Regnum transfertur à familia Saulis, in familiã Davidis, ædificatur templum Hierosolymitanũ. Regnum diuidit̃ in duas partes, quarũ altera uocatur, regnum Iuda, altera regnum Israel: recensentur successiones & res gestę regum utriusq; regni, usq; ad deualtationes eorum, Assiriacam & Babyloniam. Sed in hac tot & tantarum rerum turba inuolutum cõtinetur, quod est caput & summa, uidelicet promissio de Christo, quæ ad Dauidem dicta est. Cum em̃ initio promissio de semine mulieris, hoc est, de Christo, translata sit ad familiam Abrahamæ, circumscribitur pau

Io post familia Iudæ. In libris autem  
Regū circumscribitur ea promissio  
in familia Davidis, nec Christus de-  
inceps in alia familia, q̄ Davidis que-  
rendus est. Suscitabo, inquit Dñs, se-  
men tuū post te, quod egredietur de  
utero tuo, & firmabo regnū eius. Ipse  
ædificabit domum nomini meo, et sta-  
biliam thronū regni eius usq̄ in sem-  
piternum. Ego ero illi in patrem, &  
ipse erit mihi in filium. Hoc maximū  
hoc præstantissimum, hoc summum  
est, è quo instauratio regni in Israel,  
ædificatio templi Hierosolymitani,  
successio regum, uictorie regū, & reli-  
qua oīa in imperio Israelitico pendēt.  
Hęc promissio fuit gnomon & canon  
oīm, que sequuntur prophetarum. Et  
hac promissione texuerunt prophete  
contiones suas, quas habuerunt opti-  
mas

mas & præstantissimas. Ex hac promissione consecuti sunt perpetuam iusticiam & salutem, quotquot pñ eam fide acceperunt. Quare hæc promissio merito tenet in lectione librorum Regum & Paralipomenon, primas, medias, & postremas.

Porro inter Prophetas, qui promissionem de Christo, quæ ad Davidem dicta est, contionibus & scriptis suis illustrarunt, principem locum tenet David ipse, in Psalterio suo, cuius carminibus diuinitas, humanitas, passio, mors, resurrectio, dominatio, regnum & maiestas Christi, sic celebrantur, ut cum publica carmina passim cantari soleant, fieri non potuerit, quin in uniuerso Israelitico orbe nihil fuerit peruulgatius Christo. Etsi enim non omnes Psalmi eodem argu

B

mento cōstant, nec omnes expresse de  
Christo canūt, precipuū tñ & eximiū,  
in toto Psalmorum libro est **CHRIS-**  
**TVS DOMINVS** noster.

Salomoni tres libelli adscribūtur:  
**PROVERBIA, ECCLESIA-**  
**STES, & CANTICVM**  
Canticorū. In Prouerbijs primum ex-  
tat clarissima cōtio, nomine sapientię,  
de uerbo Dei æterno, quo omnia con-  
dita sunt, & gubernantur, quod est  
**IESVS CHRISTVS**, Domi-  
nus & seruator noster, Deinde hic li-  
ber continet egregias *γνώμας* quibus  
docet partim timorē Dei & fidem in  
Deum, partim honestos mores in hu-  
mana uita. At quam habebis fidem  
Deo? & quos honestos mores, Deo  
acceptos, sectaberis absq; Christo.

**ECCLESIASTES** quærit in  
quor

quouis uitæ genere & hominum in-  
stituto firmam in hoc seculo foelicitatem,  
sed non inuenit nisi uanitatē. Ita-  
que huc tandem peruenit, ut pronun-  
ciet, homini nihil melius esse, quam  
Deum timere, & mandata eius obser-  
uare, ut quicquid in hoc seculo accide-  
rit, homo tamen in iudicio Dei con-  
stet. Sed quomodo Deum timebis,  
quomodo mandata eius obseruabis,  
quomodo in iudicio Dei constabis,  
ut ueram, firmam & perpetuam foeli-  
citatem consequaris, absq; Christo?  
Quare nisi te hic libellus ad Christū  
amandauerit, non uideo, quem coele-  
stem fructum ex eo capere queas.

**CANTICVM** Canticorum,  
carmen est eucharisticon, quo agun-  
tur gratiæ Deo, quod ornauerit Israe-  
liticam Politicam maximis beneficijs,

B ij

Regno & sacerdotio, hoc est, optimis legibus, quibus externa Respub. administratur, & diuinissimis sacris, quibus uerbum Dei, ac præcipue promissiones de Christo, annuntiantur, ut homines sciant, unde debeant petere reueram iusticiam & salutem. Quibus beneficijs nihil potest homini, nec maius nec præstantius contingere. Sed quid putasne Spiritum sanctum in encomio corporalis & caduci regni Israelis obliuisci spiritualis & perpetui regni Christi? Magna quidem ornamenta habuit externum regnum Israelis, sed multo maiora habet regnum Christi, quod in fine huius carminis munitur muro & propugnaculis, ornatur tabulis cedrinis, & donatur ei pax & tranquillitas. Hoc est ministerium Euangelij in totum orbem



orbem uulgati, & uarietas donorum,  
Spiritus sancti, ac perpetua foelicitas  
propter Christum. Vide, in paruo li-  
bello quam praeclara sunt praekoniam  
de Christo & regno eius?

Sed sume mihi in manus Prophe-  
tas, quorum maxima oim cura in hoc  
uersat, ut promissionem de Christo,  
quae ad Dauidem dicta est, doceant,  
explicent, amplificent & urgeant. Etsi  
em uaticinant, alij de exilio Assyria-  
co, alij de exilio Babylonico, & alijs  
de rebus: solus tamē CHRISTVS  
scopus est, ad quem oēs contiones eo-  
rum intentæ sunt. Non enim sentien-  
dum est, quod cum aliquoties paucis-  
simis uerbis de Christo, pluribus au-  
tē uel de impietate populi, uel de uen-  
turo interitu regni Israelitici contio-  
nantur, faciant mentionē Christi tan-

B iij

tum per occasionē, & quasi ἐν παροδείῳ  
sed siue arguunt impietatem populi,  
ad cognoscendum Christum hortan-  
tur, ut populus ab impietate resipis-  
cat, et querat in Christo remissionem  
impietatis & iusticiam: siue uaticinan-  
tur de uentura Israelitici regni uastita-  
te, consolantur pios prædicatione Chri-  
sti & regni eius, quod perpetuo per-  
manens nunquam interibit.

Porro inter Prophetas, quorum  
scripta post Dauidem extāt, ES AI,  
AS iure & merito regnat. Primum  
enim coniunctus est Christo, non tan-  
tum fide, sed etiam propinquitate san-  
guinis. Vocat eū CHRISTVM  
patruelem suum. Putant autem Amos  
patrem Elaiæ fuisse, fratrem regis A-  
maziae, e cuius linea Christus natus  
est. Deinde Esaias scripsit de Chri-  
sto, &

sto, & regno eius, non solum plures  
contiones quam alij Prophetæ, sed et  
tiam clariore ferè & illustriore, quæ  
Euangelistæ, ideoque magis Euange  
lista quam Propheta dicendus esset.  
Hunc igitur legamus, hunc ediscamus.  
Ille se profecisse sciat, cui Esaias ualde  
placebit.

Paulo ante Esaiæ tempus, fuit Pro  
pheta IONAS, quemadmodum in  
ultimo libro Regum, capite decimo  
quarto scriptum est. In quo Propheta,  
non solum hoc quod missus est ad Ni  
niuem, significauit diuulgationem Eu  
angelij Christi inter gentes, uerum  
etiã quod fuit tribus diebus & tribus no  
ctibus in uentre Ceti, aduibravit mor  
tem & resurrectionem Christi: id quod  
ex contione Christi notius est, quam  
ut pluribus hic cõmemorari debeat.

B iiij

Non longe post Ionam uidetur fu-  
isse Propheta N A H V M, qui con-  
solatur afflictos Israelitas duobus ar-  
gumentis: altero quod Deus deiectu-  
rus sit potentiam Assyriorum, qui e-  
rant hostes Israelis: altero quod De-  
us daturus sit regno Iuda prædicato-  
res pacis (sicut & Elaias contionatus  
est) & restitutus dies festos. Quod  
non tam respicit ad tempus Ezechie,  
quàm ad tempus Christi & Aposto-  
lorum eius, quo uera pax & læticia  
annunciata est per Euangelion toti or-  
bi terrarum.

Elaiæ autem *σὺγχρονοί* fuerunt Ose-  
as, Amos, & Micheas, quorum unum  
hoc propositum fuisse, ut docerent  
Christum & regnum eius, libelli eo-  
rum perspicue testantur.

OSEAS initio concionum sua-  
rum

despondet  
rum despondet Israelitas Domino  
Deo nostro in iusticia & iudicio, in  
misericordia & miserationibus, ac re-  
conciliat eos Dauidi regi suo. In fine  
autem minatur morti magna seuerita-  
te interitum. Ero, inquit, mors tua  
o mors, ero morsus tuæ inferne. Hæc  
cum de Christo & regno eius intelli-  
genda sint, manifestum est spiritum  
Christi primas & nouissimas partes  
in Osea tenere.

AMOS concludit Prophetiã  
suam insigni uaticinio de regno Chri-  
sti, ut clare appareat, qd etsi alioqui  
totus est seuerissimus reprehensor,  
tamen hoc unum agat, ut Christus cog-  
noscat.

Quid uero dicã de MICHEA:  
Dignissimus est, cui omnes assurga-  
mus. Non solum em̄ promittit Chri-

B v

stum uenturum, nec exponit tantū beneficia regni eius, sed etiā indicat nobis locum natiuitatis eius, Tu Bethlem, inquit, Ephrata, paruula es in millenarijs, seu præfecturis Iuda: Ex te mihi egredietur, qui sit Dominator in Israel, & egressus eius ab initio, à diebus æternitatis.

Iisdem temporibus putant etiā IOELEM fuisse, quem de regno Christi uaticinantē Apostolus Petrus tanti fecit, ut ex eo primam suam contionem in die Pentecostes texuerit.

Post hos Prophetas sequuntur ABACUC, SOPHONIAS, ABDIAS, IEREMIAS, & Ezechiel. Ac inter hos Abdias inuehitur aduersus Edomitas, quibus afflictio Israelitarum magnæ erat uoluptati. Alij autem uaticinantur de Babylo  
nica

nica vastitate urbis Hierusalem. Sed  
quid? Num hoc tantū uolebāt? Num  
in hoc tantum intuebantur? Minime  
omnium, sed reprehendunt impios,  
& minantur eis captiuitates & deua-  
statiōes, ut territi supplicijs resipiscāt,  
& Christum agnoscant. Consolantur  
autem pios, ut in tot aduersis omnem  
spem suam in Christo certissime uen-  
turo ponant. Nam singuli horū Pro-  
phetarū, sua habent uaticinia de Chri-  
sto, quæ longum esset hic recensere.

Ad DANIELEM uenio, quē  
magis miraculum quā Prophetam dix-  
eris. Is enim tam insigni spiritu prædi-  
tus fuit, ut non solum uiderit uentu-  
rum regnum Christi, quod & perpe-  
tuo constet, & omnia alia regna de-  
struat, uerum etiam numerauit hebdo-  
madas annorū, quibus Christus uen-

turus erat. Et quemadmodum ante  
Michæas indicauit locum natiuitatis  
Christi, ita Daniel indicat tempus e-  
ius, quod ut maxima fuit consolatio  
piorum, qui fuerunt tunc oppressi ua-  
rijs calamitatibus, ita nobis certissi-  
mum est testimonium, quod in quem  
credimus, IESVM filium Mariæ,  
is uerus sit CHRISTVS seruator  
noster.

**ESDRAS & NEHEMIAS**  
reducunt populum è Babylonica cap-  
tiuitate, ac instaurant ciuitatem Hieru-  
salem & templum, politica uidelicet  
& ecclesiastica, quibus adiutores &  
hortatores sunt Prophete **AGGÆ-  
VS & ZACHARIAS**. Hęc aut  
beneficia contigerunt Iudæis diuina  
clementia, non ad eum finem, ut Iudei  
externa tranquillitate fruerentur, sed  
ut appro-



ut appropinquante aduentu Christi,  
Bethlehem staret, in qua Christus na  
sceretur, & Zion ac Hierusalem ædi  
ficata essent, in quibus Christus Euan  
gelion suum prædicaret, & é quibus  
Euangelion in totum orbem diuulga  
retur, iuxta uaticinia Esaiæ, Micheæ,  
& aliorum Prophetarum. Nam quòd  
instauratio Iudaicæ politiaẽ ex tendat,  
haud obscure testantur Aggæus & Za  
charias, quorum ille manifeste dicit,  
breui fore, ut ueniat Christus; hic ad  
ducit Christum insidentem in asina et  
pullo asinae, ac uendit ipsum triginta  
argenteis, præterea percutit ac confi  
git eum, sed mox extollit eum in uicto  
rem & dominatorem oim gentium.

Quæ in Historia ESTER scribun  
tur, contigerunt in Monarchia Persi  
ca, post reditum Iudæorum é Babylo

ne, sed ante completam instaurationē  
tēpli. Hic libellus, etsi nihil de Chri-  
sto uerbis loquitur, finis tamen eius  
historiæ in Christum respicit. Deus  
enim admirabiliter propulsauit peri-  
culum, quod in omnes Iudæos, qui re-  
liqui adhuc erant in Persia, intende-  
batur, ut hoc exemplo consolaretur e-  
os, qui domum redierunt, & excitaret  
eos, quo fidenter et alacriter pergerēt  
in restauranda ea politia, in qua Chri-  
stus predicaturus esset Euangelion, &  
inchoaturus regnum suum,

**MALACHIAS** recensetur ul-  
timus inter prophetas, qui non solum  
ducit Dominatorē Christum ad tem-  
plum suum, sed præmittit etiam An-  
gelum, qui est Iohannes Baptista, &  
diuulgat Euangelion eius inter om-  
nes gentes, Magnum, inquit, no-  
men

men meū in gentibus, dicit Dñs Ze-  
baoth. Quid plura? Solus CHRIS-  
TVS est omnium Prophetarum  
cura, cogitatio, propositū & finis. Et,  
ut Petrus ait, omnes Prophetæ à Sa-  
muele ac deinceps, quotquot locuti  
sunt, annunciauerunt dies Christi.

Quę cum ita se in libris Veteris te-  
stamenti habeāt, quid attinet nunc de  
singulis Noui Testamenti libris di-  
cere? Hi enim omnes quęadmodum  
aperte & uere, ea quę ante de Christo  
promissa & præmonstrata fuerunt, in  
IESVM filium Marię, natum de  
familia Abrahę & Davidis, referunt,  
ita tam perspicue de Christo prædi-  
cāt, ut qui in eis non uideat Christū,  
nihil uideat. Quare manifestum est,  
hunc unum & solum esse totius sacrę  
scripturę finem, ut doceat & illustret

Christum, ac proponat eum nobis fi-  
de accipiendum.

Amabo autem te, quid est Chri-  
stus, & quem nobis fructum affert?  
Malo hoc Pauli quam meis uerbis di-  
cere: Christus, inquit, factus est no-  
bis à Deo sapientia, iusticia, sanctifi-  
catio & redemptio. Si enim uere de  
Christo existimare uoluerimus, ne-  
quaquam putandum est, Christum es-  
se aut terrestrem Monarcham, qualem  
Iudæi Messiam suum somniant, aut  
nouæ legislatores, qualem non tam  
Mahumetes, quam turba Monacho-  
rum & hypocritarum finxerunt. Non  
dubium quidem est, quin Christus  
legem pharisaicis delirationibus ob-  
scuratam, perspicue interpretatus sit,  
sed ea lex ante erat lata, & à Mose quo-  
que ipso ac Prophetis exposita. Alij  
sentiunt

sentiunt Christum esse spectatorem  
et iudicem humanorum meritorum,  
Ac Christus uere quidem est iudex  
uiuorum & mortuorum: non iudic  
cat autem secundum legem uel Mo  
saicam uel Romanam, sed secundum  
Euangelion suum, ut qui credide  
rit Euangelio, seruetur, qui autem  
non crediderit condemnatur. Alij  
de officio Christi multo abiectius  
sentiunt. Putant enim Christum de  
caelo missum, ut quod lex pluribus  
uerbis explicat Christus, in paucio  
ra conferret. Hi non habent CHR I  
S T V M sublimiorem, quam breuem  
concionatorem. Sunt qui docent,  
eum uenisse, ut religionem sanctam  
Dei transferret ad gentes: qui etsi  
aliquid dicunt, non tamen diserte  
exponunt, quid sit CHRISTVS,

C

quod præcipuum eius officium, et  
quem fructum ex ipso capere possi-  
mus. Non enim descendit è cælo,  
ut uel terrenas opes afferret, uel  
precepta politicæ & monasticæ ui-  
tæ daret. Maiora & excellentiora  
in Christo requirenda sunt. Postq̃  
em̃ homo peccato corruptus, ami-  
sit ueram cognitionem Dei & salu-  
tem suam, proposuit Deus humano  
generi CHRISTVM filium su-  
um, primū, promissionibus, quem  
admodum ante pluribus indicaui-  
mus, deinde incarnatione, sic enim  
loquuntur, ut in ipso patefieret, ac  
per ipsum homini reconciliaretur.  
Etsi enim maiestas Dei intelligitur  
aliquo modo ex hac conditarum re-  
rum magnitudine, motu, disposi-  
tione, constantia, uulitate, pulchri-  
tudine

tudine & temperatione: potentia  
tamen Satanæ propter peccatū tan-  
ta est, ut hanc cognitionem homi-  
ni facile excutiat. Promissus igit &  
missus est filius Dei in hūc ulum,  
ut morte sua expiaret pctā nostra,  
& resurrectione sua restitueret nos  
vitæ ac salutis nostrę, ex quo agno-  
sceremus propitiam Dei patris vo-  
luntatem erga nos: nimirum q̄ De-  
us non uelit nos cōdemnare, sed ser-  
uare propter Christum filium suū.  
Quotquot em̄ fide accipiunt filiū  
Dei, hi accipiunt unā cum ipso the-  
saurum oīm cœlestium bonorum.  
Nam redeūt cum Deo in gratiā, iu-  
dicant̄ coram Deo iusti, adoptant̄  
in filios Dei, & cōscribuntur in he-  
redes cœlestis regni. Hic est usus,  
hoc est officium Christi, quo nihil

¶ ¶

potuit humano generi magis salu-  
tare contingere.

Cum igitur uniuersa, tam ueteri  
quæ noui testamenti scriptura sit cer-  
tissime ueritatis. & precipue doce-  
at, explicet, illustret **IESVM**  
**CHRISTVM** filium Dei, qui  
solus est iusticia, uita & foelicitas  
nostra, agite dum, expergiscamur,  
cōsulamus utilitati nostrę, incūba-  
mus toto pectore in hanc scrip-  
turā.

Hic portus, hoc perfugium no-  
strum sit, ut quam nulla humana,  
nec potentia, nec sapientia, nec in-  
dustria, nec iusticia dare potest sa-  
lutē, in **IESV CHRISTO** fi-  
lio Dei, quem hæc scriptura  
docet per fidem reperie-  
mus, Amen.

**SVMMA**



**S V M M A**  
**T O T I V S S A C R Æ S C R I**  
pturæ, librorum uidelicet **V e t**  
**r i s & N o u i T e s t a**  
menti.

**D**ocent nos libri ueteris **D E V S**  
Testamenti, Deum il-  
lum, quem coluerunt  
Abraham, Isaac, & Ia-  
cob Hebræi, solum uerum esse De-  
um, eumq; omnipotentē & æter-  
num: qui propter bonitatem suam,  
uerbo suo cœlum & terram, & que  
in eis sunt, creauit: à quo oia proce-  
dunt, sine quo nihil quicquam est:  
iustum & misericors: quicq; oia o-  
peretur in omnibus secundum uo-

**C** iij

luntatem suam: cui non liceat dice-  
re, quare sic uel sic faciat.

*Creatio. o-  
n. n. n. n.*

Adhæc, ipsum hunc Deum cre-  
asse Adam primum hominem ad  
imaginem & similitudinem suam,  
dominumq; eum constituisse om-  
nium creatorum in terra. Qui qui-  
dem Adam, inuidia & fraude Dia-  
boli, creatoris sui p̄cepto non o-  
bediens suo peccato, peccatum in-  
mundum inuexit tale, tantumq; ut  
nos secundum carnē ab ipso p̄geni-  
ti, natura filij iræ simus, & ob id  
morti, damnationi, iugo & tyran-  
nidi diaboli obnoxij reddamur.

*Peccatum.*

*Promissus  
Christus.*

Porro autē promissum fuisse a  
Deo patre semē illud bñdictum IES-  
VM CHRISTVM filiū su-  
um saluatorē nostrū, ipsi Adę, A-  
brahę, Isaac, Iacob, Dauidi et reli-  
quis

quis patribus, qui à peccatis & tyrannide diaboli liberaret eos; qui uia fide huic p̄missioni crederet, ipsiq; IESV CHRISTO fiderent, liberationem hanc ab ipso & per ipsum sperantes. Est autem hæc promissio sæpissime repetita in libris ueteris testamenti.

Interea aut dū à patribus expectabatur promissa salus & liberatio, q̄d ea est hominū natura, tam superba atq; a deo corrupta, ut non libenter ipsi uelint se agnoscere peccatores, quibus promisso salutari sit opus, legem scriptā in tabulis lapideis datam fuisse à Deo per Moysen, ut per eā agnito peccato, & cordis humani malicia ardentius sitirent hoīes CHRISTI aduentū, qui ipsos à peccatis redimeret, q̄d sacrificia &

*Lex siue Decalogus.*

hostia non præstabant, erant enim  
umbre & figure ueræ oblationis  
**CHRISTI**, qua peccata omnia  
obliteranda erant & abolenda:

*Christus de-  
us in ualor  
uenit.*

*ac sacrificijs*

Novi autem testamēti libris do-  
cemur, **CHRISTVM** illū pro-  
missum ( qui est super omnia Deus  
benedictus in secula ) & in libris  
ueteris testamenti adumbratū sacri-  
ficijs ac figuratum, missum tandem  
a patre fuisse eo tempore, quod a-  
pud se constituerat, eo inquam tem-  
pore quo abundabat omnis iniqui-  
tas. Missum aut et incarnatum, non  
ex bonis cuiuscūq; operibus ( nam  
omnes erant peccatores ) sed ut ue-  
rax, abundātes gratiæ suæ diuitias,  
quas promiserat, exhiberet, & se-  
cundū misericordiam suam saluos  
nos faceret.

**In**

In nouo igitur testamēto planis- <sup>agnus</sup>  
sime ostendit, q̄ IESVS CHRI <sup>Hostia.</sup>  
STV Suerus agnus, & uera mun-  
di hostia uenit, ut nobis pacem cū  
patre conciliaret ( ipse enim est pax  
nostra ) lauando nos a peccatis no-  
stris in sanguine suo: & liberaret a  
seruitute Diaboli ( cui peccādo ser-  
uiebamus ) in filiosq; Dei adopta-  
remur per ipsum, coheredesq; eius  
efficeremur.

Vt autem singulare hoc & max <sup>Spiritus</sup>  
imum Dei beneficium erga nos ag <sup>sanctus</sup>  
noscamus, dat nobis Deus spiritū  
suum sanctum, cuius fructus & do-  
num est fides in Deum & CHRIS-  
TVMEIUS. Nam sine spiritu  
sancto quo signamur, neq; crede-  
re possumus Deum patrem misis-  
se MESSIAM, neq; IESVM

C V

*Charitas.*

*Iustificatio  
et sanctifica-  
tio.*

esse CHRISTVM: nullus enim  
(inquit Paulus) dicere potest, DO-  
MINVS IESVS, nisi in spiri-  
tu sancto. Idem spiritus testatur spi-  
ritui nostro, quod sumus filij Dei,  
& diffundit in viscera nostra eam  
charitatem, quam describit Paulus  
Corinthijs. Præterea spem, quæ est  
certa vitæ æternæ expectatio, cu-  
ius idem ipse arrabo est & pignus,  
nobis impartitur & alia spiritualia  
dona, de quibus Paulus ad Gala-  
tas. Per hanc itaque in CHRIS-  
TVM fiduciam & fidem, quæ  
per charitatē operat̄, & se charita-  
tis opibus exerit, ad ea hominem mo-  
uēs, iustificamur & sanctificamur:  
id est, Deus & Pater Dñi nostri IESVS  
Christi (qui et pater noster ef-  
fectus est per ipsum fratrem no-  
strum).

strū ) nos pro iustis & sanctis ha-  
ber, sua gratia, non impuās nobis  
ad gehennam delicta nostra.

Venit deniq; **CHRISTVS**  
ipse ut nos per ipsum sanctificati et  
purificati a peccatis, uoluntatem e-  
ius operibus bonis sectantes, quæ  
carnis sunt, abnegemus, ac libere  
seruiamus ei in iusticia & sanctita-  
te omnibus diebus nostris, & ut p  
bona opera (quæ preparauit Deus  
ut ambularem in illis) nos osten-  
damus ad hanc gratiam uocatos:  
quæ quidem bona opera, qui non  
habet, testatur se fidem in **CHR I**  
**S T V M** non habere, quale in ille  
in nobis requirit.

Ad eū oportet nos accedere, &  
alacri aīo ipsum sequi, ut nos doce-  
at: Est eī Magister noster, cuius et

*Bona opera*

*Christus  
magister*

**Pon'ifex:**  
**Mediator.**  
**Aduocatus.**

humilis corde. Exemplar nostrū  
ā quo discere oportet normam re-  
cte uiuendi. Noster præterea Epi-  
scopus & summus Pontifex, unus  
mediator Dei & hominum, qui  
nunc ad dextram Dei patris sedet,  
nobis aduocatus factus, orans, in-  
terpellansq; pro nobis: qui procul  
dubio impetrabit, quod uel ab ip-  
so, uel ipsius nomine ā Patre petie-  
rimus: si modo petentes, ita illum  
facturum esse crediderimus: sic e-  
nim promisit. Ne igit; dubitemus,  
si quādo peccauerimus, cum poeni-  
tētia ( ad quā nos initio statim suæ  
predicatiōis inuitat & incitat ) eūq;  
fiducia accedere ad thronū gratiæ  
eius: credentes q; misericordiā cō-  
sequuturi sumus, nā ideo uenit ut  
pētōres sua gratia saluos faceret.

Hic



Hic nimirū est **CHRISTVS** *Iudicium:*  
**IESVS**, qui post interfectum spi-  
ritu oris sui hoīem peccati, sedebit  
in maiestate sua oēs iudicaturus, &  
redditurus unicui propria corpo-  
ris prout gessit, siue bonū siue ma-  
lum: dicturusq; est ijs qui à dextris  
erunt, qui in hoc mundo futura bo-  
na expectauerint: Venite benedi- *Vita eterna:*  
cti patris mei, possidete paratū vo-  
bis regnū à constitutione mundi.  
illis autem qui à sinistris: Discedite  
à me maledicti in ignem eternum, *Ignis eter-*  
qui paratus est diabolo & angelis *num.*  
eius. Tunc vero finis erit, cum reg-  
num Deo & patri tradiderit.

Hæc ut cognoscamus, bonitate  
per spiritum eius sanctum tradita  
sunt nobis sacra Byblia: ut cogno-  
scamus inquam & credamus unum

solum esse Deum uerum, & quem  
misit IESVM CHRISTVM  
utq; credentes, uitam habeamus in  
nomine eius.

Præter hoc fundamentum ne  
mo aliud potest ponere. Oportet  
Paulus eum anathema esse, qui alie  
am fidem & salutem annunciauerit,  
quàm per IESVM CHRIS  
TVM: etiamsi fuerit angelus  
de cœlo. Quoniam ex ipso & per  
ipsum & in ipso sunt omnia:  
cui cum Patre & Spiritu san  
cto honor & gloria, in  
secula seculorum,  
Amen.

FINIS.





Fe 2869 2


ULB Halle

3


006 639 453



Hc 509








B.I.G.

Farbkarte #13

Centimetres

Blue  
Cyan  
Green  
Yellow  
Red  
Magenta  
White  
3/Color  
Black



ARGV  
 MENTA ET  
 SACRAE SCRIPTV-  
*ra summa, librorum Vete-  
 ris uidelicet & Noui  
 Testamenti.*

*Autore Iohanne Brentio.*

HALAE SVEVORVM  
 M. D. XLVIII.

